



Broj 12/01-05-24455/12
Sarajevo, 26.09.2012. godine

SKUPŠTINA KANTONA SARAJEVO
Predsjedavajuća Skupštine

(Ovdje)

KANTON SARAJEVO
Kabinet Premijera

(Ovdje)

Ministarstvu kulture i sporta Kantona Sarajevo, dostavljena je poslanička inicijativa poslanika, Izudina Bajrovića, pokrenuta na 18. radnoj sjednici Skupštine Kantona Sarajevo održanoj 18.07.2012. godine u okviru tačke Dnevnog reda „Poslanička pitanja inicijative i odgovori“, a koja glasi:

„Po važećem zakonu o pozorišnoj djelatnosti uposlenici u pozorištima uposleni na umjetničkim radnim mjestima nemaju pravo zasnivanja radnog odnosa na neodređeno vrijeme sve do navršenih 18 godina radnog staža, do kada sklapaju dvogodišnje ugovore što ih dovodi u neravnopravan položaj u odnosu na druge uposlenike i što nije u skladu sa opštim Zakonom o radu. To, a i još niz loših odredbi u važećem zakonu su razlog da pokrenem inicijativu za izmjenama zakona o pozorišnoj djelatnosti, odnosno za donošenje novog zakonakoji bi bio usklađen sa opštim aktima i bolje uredio stvari u oblasti pozorišne djelatnosti.“

U vezi navedene inicijative dajemo slijedeći odgovor:

U prethodnom mandatu Vlade Kantona Sarajevo otpočela je priprema Prijedloga Zakona o izmjenama i dopunama Zakona o pozorišnoj djelatnosti po hitnom postupku, jer su se tada planirane izmjene odnosile isključivo na uslove za izbor i imenovanje direktora.

Docnije je uočena potreba za širim izmjenama i dopunama Zakona u vezi radno-pravnog statusa pozorišnih umjetnika, te je Zakon vraćen u redovnu proceduru (prednacrt-nacrt, pa tek onda prijedlog Zakona).

Izmjene radno-pravnog statusa pozorišnih umjetnika povezane sa izmjenama Zakona o radu u Federaciji Bosne i Hercegovine, a čija procedura je otpočela i u fazi je izrade prijedloga, koji još uvijek očekujemo.

Napominjemo da će kvalitet izmjena Zakona o pozorišnoj djelatnosti uveliko zavisiti od kvaliteta rješenja koja ponude institucije koje se bave pozorišnom djelatnošću, kao i pozorišta, temeljem svog profesionalnog iskustva, kao i od rješenja primjenjenih u širem okruženju čija pozitivna iskustava smo spremni usvojiti i primjeniti.

S poštovanjem,

MINISTAR

Dubravko Lovrenović



web: <http://mks.ks.gov.ba>

e-mail: mkis@ks.gov.ba;

mkis_kabinet@ks.gov.ba

Tel/fax: + 387 (0) 33 562-062

Sarajevo, Reisa Džemaludina Čauševića 1

